


«ТАСДИҚЛАНГАН»

«РЎЙХАТДАН ЎТКАЗИЛГАН»



Р0356-15-сон  
М.Ў.

## АКЦИЯЛАР ҚЎШИМЧА ЧИҚАРИЛИШИ ТЎҒРИСИДАГИ ҚАРОР

«Ravnaq-bank» акциядорлик жамияти

Идентификация рақами берилди: R U 1 1 5 P 0 3 5 6 R 8

Эгасининг номи ёзилган оддий ҳужжатсиз шаклдаги акциялар – 100 000 000 (юз миллион) дона.

Ҳар бир акциянинг номинал қиймати – 1 000 (бир минг) сўм.

Акцияларнинг ушбу чиқарилуви очик обуна йўли билан жойлаштирилади.

Акцияларнинг ушбу чиқарилиши ўн бешинчи чиқарилишдир.

Тасдиқланган: Кузатув кенгашининг 2023 йил 22 майдаги Қарори 23 - сон баённомаси

Кузатув Кенгашининг 2023 йил 22 майдаги Қарори 23 - сон Баённомаси асосида

Эмитентнинг жойлашган жойи, почта манзили, мулоқот телефонлари ва электрон почта манзили:


100021, Ўзбекистон Республикаси, Тошкент шаҳри, Фурқат кўчаси, 2 уй.

Телефон: (998 71) 202-33-33, факс: (998 71) 202-44-44.

Электрон почта манзили: [info@ravnaqbank.uz](mailto:info@ravnaqbank.uz)

Расмий веб-сайти: [www.ravnaqbank.uz](http://www.ravnaqbank.uz)

Бошқарув Раиси



Турсунов Искандар Бахтинурович

Бош бухгалтер

Асатова Нодира Акаидиновна

Сана: 22 май 2023 йил

1. Ушбу чиқарилишдаги эгасининг номи ёзилган акциялар тури (оддий ёки имтиёзли): оддий.

2. Ушбу акциялар чиқарилишининг шакли: **хужжатсиз.**

3. Ушбу чиқарилишдаги акцияларнинг номинал қиймати (сўм): **1 000 (бир минг) сўм.**

4. Ушбу чиқарилишдаги акцияларнинг сони (дона): **100 000 000 (юз миллион) дона.**

5. Ушбу чиқарилишнинг умумий ҳажми (сўм): **100 000 000 000 (юз миллиард) сўм.**

6. Ушбу чиқарилишдаги акциялар эгаларининг ҳуқуқлари: **банк акциядорларининг ҳуқуқлари қуйидагилардан иборат:**

- банкнинг акциядорлари реестрига киритилиш;
- депо ҳисобварағидан ўзига тааллуқли кўчирма олиш;
- банк фойдасининг бир қисмини дивидендлар тарзида олиш;
- банк тугатилган тақдирда ўзига тегишли улушга мувофиқ мол-мулкнинг бир қисмини олиш;

- банк томонидан кўрсатиладиган хизматлар ва уларнинг нархлари тўғрисида маълумотлар олиш;

- банкни бошқаришда иштирок этиш, шу жумладан Акциядорлар умумий йиғилишида ўзи ёки вакиллари орқали иштирок этиш ва овоз бериш, банкнинг сайланадиган лавозимларига сайлаш ва сайланиш;

- банк уставига мувофиқ банкнинг молиявий-хўжалик фаолияти натижалари тўғрисида тўлиқ ва тўғри ахборот олиш, банк сири ҳисобланган маълумотлар бундан мустасно;

- олган дивидендини эркин тасарруф этиш;

- қонун ҳужжатларида белгиланган тартибда банкдан унга тегишли бўлган акцияларнинг ҳаммаси ёки бир қисмини сотиб олишини талаб қилиш;

- қимматли қоғозлар бозорини тартибга солиш юзасидан ваколатли давлат органида, шунингдек судда ўз ҳуқуқларини ҳимоя қилиш;

- ўзига етказилган зарарнинг ўрни қопланишини белгиланган тартибда талаб қилиш;

- ўз манфаатларини ифодалаш ва ҳимоя қилиш мақсадида уюшмалар ва бошқа жамоат ташкилотларига бирлашиш;

- банк акцияларини сотиб олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.

Акциядор (акциядорлар) йирик битимни ёки аффилиланган шахс билан тузилган битимни ҳақиқий эмас деб топиш тўғрисидаги даъво аризасини судда кўриб чиқиш чоғида Банкдан ва гувоҳлардан суд томонидан кўриб чиқиляётган ишга тааллуқли бўлиши мумкин бўлган барча ҳужжатларни олишга ҳақли, бундан давлат сирини ёки қонун билан кўриқланадиган бошқа сирни ташкил этувчи ҳужжатлар мустасно.

Акциядорлар қонун ҳужжатларида ва банк Уставида назарда тутилган бошқа ҳуқуқларга ҳам эга бўладилар.

7. Ушбу чиқарилишдаги акцияларни олинишига нисбатан банк уставига ва/ёки чиқарилиш тўғрисидаги қарордаги ҳар қандай чеклашлар: **Ушбу чиқарилишдаги акцияларни олинишига нисбатан банк уставида чекловлар мавжуд эмас.**

Амалдаги қонунчилик талабларига кўра банк акцияларини сотиб олишга доир қуйидаги чекловлар мавжуд:

- устав фондининг (устав капиталининг) эллик фоиздан ортиғи давлатга тегишли бўлган корхоналар ва ташкилотлар, агар қонунчиликда бошқача қоида назарда тутилмаган бўлса, банк муассислари ва акциядорлари бўлиши мумкин эмас.

- жисмоний ва юридик шахслар ёки биргаликда ҳаракат қилувчи шахслар, шу жумладан норезидентлар бир ёки бир неча битим натижасида банкнинг устав капиталидаги:

беш ва ундан кўпроқ фоизни, лекин кўпи билан йигирма фоизни;

йигирма ва ундан кўпроқ фоизни, лекин кўпи билан эллик фоизни;

эллик ва ундан кўпроқ фоизни ташкил этадиган улушни бевосита ёки билвосита олишдан олдин Марказий банкнинг дастлабки рухсатномасини олиши шарт.

- норезидент бўлган жисмоний шахсларнинг ва халқаро молия институтлари, чет эл банклари ва бошқа кредит ташкилотлари бўлмаган юридик шахсларнинг жами улуши банк устав капиталининг эллик фоиздан ошмаслиги керак.

- имтиёзли солиқ режимини тақдим этувчи ва (ёки) охириги бенефициар мулкдорнинг шахсини ошкор қилиш ҳамда молиявий операцияларни ўтказиш чоғида ахборот тақдим этиш назарда тутилмайдиган давлатда ёки ҳудудда рўйхатга олинган юридик шахслар ва шундай давлатда ёки ҳудудда яшайдиган жисмоний шахслар банкнинг муассислари ва акциядорлари бўлиши мумкин эмас (бундан чет эл фонд бозорларида банк акцияларини сотиб олган юридик ва жисмоний шахслар мустасно).

8. Банк устав капиталининг миқдори (сўм): 100 000 000 000 (юз миллиард) сўм.

9. Илгари жойлаштирилган акциялар сони (турлари бўйича тақсимланган ҳолда кўрсатилади): Номинал қиймати 1 000 (бир минг) сўм бўлган, 100 000 000 (юз миллион) дона ҳужжатсиз шаклдаги эгасининг номи ёзилган оддий акциялар.

10. Илгари жойлаштирилган облигациялар сони (турлари ва кўринишлари бўйича тақсимланган ҳолда кўрсатилади): Банк томонидан илгари облигациялар муомалага чиқарилмаган.

11. Ушбу чиқарилишдаги акциялар жойлаштирилишининг шартлари ва тартиби.

11.1. Ушбу чиқарилишдаги акциялар жойлаштирилишининг усули (очик ёки ёпик обуна): Ушбу чиқарилишдаги акциялар банк акциядорларига мазкур чиқарилишдаги акцияларни имтиёзли олиш ҳуқуқини тақдим қилган ҳолда очик обуна орқали жойлаштирилади.

11.2. Ушбу чиқарилишдаги акциялар жойлаштирилишининг муддати:

Акцияларни жойлаштириш муддати – ушбу акциялар чиқарилиши қимматли қоғозлар бозорини тартибга солиш бўйича ваколатли давлат органи томонидан давлат рўйхатидан ўтказилган кундан бошлаб бир йил давомида жойлаштирилади.

Акцияларни жойлаштиришни бошлаш санаси – акциялар чиқарилуви давлат рўйхатидан ўтказилганлиги тўғрисидаги хабар ва имтиёзли ҳуқуқнинг амал қилиш муддати билдиришномаси қонун ҳужжатларида ўрнатилган тартиб ва муддатларда оммавий ахборот воситаларида эълон қилинган кундан кейинги 15-(ўн бешинчи) кун.

Агар акцияларни жойлаштиришни бошлаш санаси банк ҳисоб операциялари учун дам олиш кунига тўғри келса, унда акцияларни жойлаштириш ушбу кунлардан кейин келадиган биринчи иш кунига бошланади.

Акцияларни жойлаштиришни тугатиш санаси – мазкур чиқарилишдаги сўнгги акция жойлаштирилган кун. Бироқ акцияларни жойлаштиришни тугатиш санаси, ушбу акциялар чиқарилиши қимматли қоғозлар бозорини тартибга солиш бўйича

ваколатли давлат органи томонидан рўйхатидан ўтказилган кундан бошлаб 365 кундан ошмаслиги лозим.

11.3. Ушбу чиқарилишдаги акциялар жойлаштирилишининг тартиби:

Ушбу қўшимча чиқарилаётган акцияларни сотиб олишда банкнинг овоз берувчи акциялари эгалари бўлган акциядорлар уларни ўзларига тегишли шу турдаги акциялар сонига мутаносиб миқдорда имтиёзли олиш ҳуқуқига эга бўладилар.

Имтиёзли сотиб ҳуқуқининг амал қилиш муддати билдиришнома белгиланган тартибда эълон қилинган пайтдан эътиборан 14 (ўн тўрт) кун давомида амал қилади. Акциялар имтиёзли сотиб олиш ҳуқуқи орқали жойлаштирилаётганда акциядорлар билан биржадан ташқари уюлмаган қимматли қоғозлар бозорида тўғридан-тўғри фуқаролик – ҳуқуқий битим тузилиши мумкин.

Акцияларни имтиёзли сотиб олиш ҳуқуқининг амал қилиш муддати туганидан сўнг, жойлаштирилмаган акциялар очик обуна орқали чекланмаган инвесторлар орасида «Тошкент» Республика фонд биржасида жойлаштирилади. «Тошкент» Республика фонд биржасида жойлаштириш бўйича битимлар, ушбу биржанинг савдо қоидаларига мувофиқ амалга оширилади.

Акцияларни жойлаштириш учун андеррайтерлар жалб қилинмайди.

11.4. Қимматли қоғозлар марказий депозитарийси ва қимматли қоғозларга бўлган ҳуқуқларни ҳисобга олишни амалга оширувчи инвестиция воситачисининг ташкилий-ҳуқуқий шаклини ўз ичига олган тўлиқ фирма номи, жойлашган жойи, почта манзили, телефони:

**Марказий депозитарий ҳақида маълумот:**

Номи – «Қимматли қоғозлар марказий депозитарийси» давлат корхонаси.

Жойлашган жойи ва почта манзили - 100170, Тошкент шаҳри, Мирзо-Улўғбек тумани, Мустақиллик шоҳкўчаси, 107-уй, 2-қават.

Телефон – 71 267-37-42, (998 71) 267-35-92.

**Қимматли қоғозлар эгалари ҳуқуқларини ҳисобга олишни амалга оширувчи инвестиция воситачиси ҳақида маълумот:**

Телефон – 71 267-37-42, (998 71) 267-35-92.

Номи – «Finance Invest Brok» масъулияти чекланган жамияти.

Жойлашган жойи ва почта манзили – 100021, Тошкент шаҳри, Шайхонтохур тумани, Навоий кўчаси 25А уй.

Телефон – (998 90) 357-79-55.

11.5. Ушбу чиқарилишдаги жойлаштирилаётган акцияларни олишга бўлган имтиёзли ҳуқуқни амалга ошириш тартиби:

Ушбу чиқарилишдаги акцияларни олишга имтиёзли ҳуқуққа эга бўлган акциядорлар рўйхати акцияларни чиқариш тўғрисидаги қарор қабул қилинган санага шакллантирилган банк акциядорлари реестрининг маълумотлари асосида тузилади.

Ушбу чиқарилишдаги акцияларни олишга бўлган имтиёзли ҳуқуқ акциядорлар томонидан ўзларига тегишли бўлган оддий акциялар сонига мутаносиб равишда амалга оширилади.

Акциялар чиқарилиши давлат рўйхатидан ўтказилган санадан эътиборан ўн кун ичида акцияларни олишга бўлган имтиёзли ҳуқуқни амалга ошириш эҳтимоли тўғрисида оммавий ахборот воситаларида эълон қилинади.

Имтиёзли ҳуқуқнинг амал қилиш муддати имтиёзли ҳуқуқни амалга ошириш эҳтимоли тўғрисида оммавий ахборот воситаларида билдириш эълон қилинган

пайтдан эътиборан 14 (ўн тўрт) календарь кунни ташкил этади. Билдириш матнида жойлаштирилаётган акцияларнинг сони, уларни жойлаштириш нархи, ҳар бир акциядор олишга ҳақли бўлган акцияларнинг сонини аниқлаш тартиби, акциядорларнинг бу ҳуқуқи амал қиладиган муддат ва уни амалга ошириш тартиби тўғрисидаги маълумотлар бўлиши лозим.

Имтиёзли ҳуқуққа эга бўлган акциядор акцияларни олиши тўғрисида ўзининг исми-шарифи (номи) ва яшаш жойи (жойлашган ери), ўзи оладиган акциялар сони кўрсатилган ёзма шаклдаги аризани ва ҳақ тўлаганлик тўғрисидаги ҳужжатни банкка юбориш орқали ўз имтиёзли ҳуқуқини тўлиқ ёки қисман амалга оширишга ҳақли. Бундай ариза мазкур имтиёзли ҳуқуқнинг амал қилиш муддати ичида банкка тақдим этилиши керак.

Имтиёзли ҳуқуқнинг амал қилиш муддати, агар бу муддат ўтгунига қадар банкнинг барча акциядорларидан имтиёзли ҳуқуқдан фойдаланиш тўғрисида ёки ундан фойдаланишдан воз кечиш ҳақида ёзма равишда аризалар олинган бўлса, тугайди.

Имтиёзли ҳуқуқдан бошқа шахс фойдасига воз кечишга йўл қўйилмайди.

11.6. Ушбу чиқарилишдаги акциялар баҳоси (баҳолари) ёки жойлаштириш баҳосини белгилаш тартиби:

Ушбу чиқарилишдаги акциялар бозор баҳосида, лекин номинал қийматидан паст бўлмаган баҳода жойлаштирилади.

11.7. Акцияларни тўлаш шартлари ва тартиби:

Акцияларни жойлаштиришда акциялар учун тўловлар фақат пул маблағлари билан, Ўзбекистон Республикаси миллий валютаси – сўмда амалга оширилади.

Акцияларнинг имтиёзли сотиб олиш ҳуқуқи амал қилиш даврида тўловлар юридик шахслар учун нақдсиз шаклида - пул ўтказиш йўли билан, жисмоний шахслар учун нақд – банк кассасига топшириш йўли билан ва нақдсиз шаклда – талаб қилгунча депозит ҳисоб рақамлари орқали, шу жумладан пластик карточкалар орқали ҳам амалга оширилади. Бунда акциялар учун пул маблағлари «Ravnaq-bank» АЖ Амалиёт бошқармасининг қуйидаги ҳисоб рақамга қабул қилинади: х/р 29801000100000980002, МФО 00980, СТИР 203644820, Банк жойлашган манзил: Тошкент шаҳар, Фурқат кўчаси, 2 уй.

Акциялар учун келиб тушган пул маблағлари «Тижорат банкларида бухгалтерия ҳисоби ҳисобварақлари режаси»га (Адлия вазирлигида 2021 йил 26 ноябрдаги 3336-сон билан рўйхатга олинган) асосан 30318-«Чиқарилган устав капитали –Оддий» ҳисобварағида ҳар бир акциядор учун алоҳида очилган шахсий ҳисобварақларда олиб борилади.

«Тошкент» Республика фонди биржаси орқали амалга ошириладиган оддий сўтди битимлари бўйича ҳисоб-китоб тартиби ва муддатлари ушбу биржанинг савдо қоидаларига ва Ўзбекистон Республикаси амалдаги қонунчилигига мувофиқ амалга оширилади.

Банкнинг қўшимча акцияларига ушбу акцияларни жойлаштириш муддати ичида тўлиқ ҳақ тўланиши лозим.

11.8. Ушбу акциялар чиқарилиши амалга ошмаган деб топилган тақдирда эмитент томонидан акциялар тўлови сифатида олинган воситаларни қайтариш тартиби:

Акциялар чиқарилиши амалга ошмаган деб топилган тақдирда ушбу ҳақ тўғрисида қонунчиликда ўрнатилган тартибда оммавий ахборот воситалари орқали эълон қилинади. Акциялар учун тўланган маблағлар инвесторнинг аризасида

кўрсатилган банкдаги ҳисобварағига 10 (ўн) кун давомида қонунчиликда белгиланган тартибда қайтариб берилади.

12. Эмитент томонидан қимматли қоғозлар чиқарилиши (қўшимча чиқарилиши) тўғрисидаги ахборотни Ўзбекистон Республикаси қонун ҳужжатларига мувофиқ ошкор қилиш тартиби:

Банк томонидан акцияларнинг ушбу қўшимча чиқарилиши тўғрисидаги ахборот Ўзбекистон Республикаси амалдаги қонун ҳужжатларида белгиланган тартиб ва муддатларда ошкор қилинади. Жумладан ахборот қуйидаги манзиллар – «Ravnaq-bank» АЖ расмий веб-сайти ([www.ravnaqbank.uz](http://www.ravnaqbank.uz)), «Тошкент» Республика фонд биржасининг расмий веб-сайти ([www.uzse.uz](http://www.uzse.uz)) ва корпоратив ахборот ягона портали ([www.openinfo.uz](http://www.openinfo.uz)) орқали ошкор қилинади.

Қимматли қоғозлар эмиссия рисоласи ва қўшимча акциялар тўғрисидаги қарорнинг нусхалари ва асл нусхаси билан Тошкент шаҳар, Шайхонтохур тумани, Фуркат кўчаси 2-уйда жойлашган «Ravnaq-bank» АЖ бош офисида танишиш мумкин.

13. Бошқа маълумотлар.

13.1. Рўйхатдан ўтказувчи органнинг номи, эмитентнинг давлат рўйхатидан ўтказилган санаси ва рақами:

**Банк Ўзбекистон Республикаси Марказий банки томонидан 2001 йил 23 июнда №70 – сон билан рўйхатдан ўтказилган.**

13.2. Эмитент асосий фаолият тури – **банк хизматлари кўрсатиш.**

13.3. Давлат статистика органи томонидан берилган кодлар:

Корхонанинг хос рақами КТУТ (ОКПО) – 17763498;

ХХТУТ бўйича асосий фаолият тури (ОКЭД) – 96120;

МШТ бўйича мулкчилик шакли (КФС) – 144;

Манзили бўйича МХОБТ тўлик хос рақами (СОАТО) – 1726277;

ТХШ бўйича ташкилий-ҳуқуқий шакли – (КОПФ) – 1150

13.4. Эмитент солиқ органининг номи ва СТИР – Тошкент шаҳар Шайхонтохур тумани давлат солиқ инспекцияси, СТИР: 203644820.

Рақамланган ва тикилган

5 ( ) варақда

Бошқарув Раиси

Турсунов И.Б.

Бош бухгалтер

Асадова Н.А.

